



眞
繫

ル 5
3254
ル 6



五九
3254
6

滇繫書目

山川一册上

名山

大川

重險

雲南府

武定直隸州

大理府

趙州師 範荔屏纂輯

滇繫 五之一

山川目錄

昭
大
日
辨
未

麗江府

楚雄府

永昌府

順甯府

滇素

山川繫

趙州師

範荔扉纂輯

其名山則有點蒼山

點蒼山在大理府城西五里高千餘仞盤互百餘里

一云高六十里

盤互三百里

介龍首龍尾兩關之間前衿榆江碧瀾萬頃皆環溪

水連絡為帶亦曰靈鷲山有十九峰環列內向如抱弓然山

椒懸瀑注為十八溪翠巒條分青嶂並峙如大鳥之連翼

翔也后漢書志山似扶風太乙之狀鬱然高峻與雲氣相連

結險崖積雪經夏不消亦名雪山名山志自山南而北一曰

滇素

五之一

山川

斜陽峰溪曰南陽溪二曰馬耳峰溪曰葶溟溪三曰佛頂峰

溪曰莫殘溪四曰聖應峰在城南十里溪曰青碧溪五曰馬龍峰

溪曰龍溪六曰玉局峰城南五里溪曰綠玉溪七曰龍泉峰溪曰

中溪八曰中峰溪曰桃溪九曰觀音峰溪曰梅溪十曰應樂

峰在城西九里溪曰隱溪十一曰雪人峰溪曰雙鴛溪十二曰蘭

峰溪曰白石溪十三曰三陽峰在城北十三里溪曰天泉溪十四曰

鶴雲峰在城北二十里溪曰錦溪十五曰白雲峰城北二十六里溪曰芒湧

溪十六曰蓮花峰溪曰陽溪十七曰五臺峰溪曰萬花溪十

八曰蒼琅峰溪曰霞移溪十九曰雲弄峰下與洱海相接環

海之外復有諸山曰青顛曰雞巖曰玉几曰羅荃曰曩惹曰

龜曰蛇若拱若揖其間石窟巖巒不可殫述又玉局峰一名

占文峰峰頂之南有馮河周回萬步疊嶂承流水色瑩澈又

西南為青碧溪溪中石子粼粼青碧璀璨綠山麓北行二里

至祭天臺諸葛武侯畫卦石在焉山中林阻谷奧而無猛虎

毒蛇冬夏氣候調適暑止于溫寒止于涼諸泉流注為十八

川川流所經沃壤百里溉灌之利不俟浚疏春碓用泉不勞

人力東注洱河河山輝映蓋與臨安之西湖洪州之西山嘉

州之峩眉齊安之臨臯滁州琅邪同一巨麗矣唐時蒙氏竊

據封爲中岳天寶九年鮮于仲通討南詔進薄白崖漸逼江
口謂樣備江也分軍欲自點蒼山西腹背攻太和城爲蠻所敗貞
元十年西川帥韋皋遣節度巡官崔佐時至雲南雲南王異
牟尋等與佐時盟于點蒼山神祠是也宋寶佑初蒙古攻大
理登點蒼山下臨城中城中危懼尋棄城走明初藍玉等攻
大理大理城西向點蒼東臨洱海以爲固玉等遣奇兵繞出
點蒼山后攀木援崖而上立旗幟敵遂驚潰李元陽曰點蒼
山色積黛四時如一高六十里接連雲氣滇西山川拱揖此
爲之冠

高黎共山

高黎共山在永昌府騰越州東北一百二十里一名崑崙岡
夷語譌爲高良公山東臨潞江西臨隴川江左有平川名爲
灣甸今山之東南山上下東西各四十里登之可望吐番雪
山草卉障翳四時不凋瘴氣最惡冬雪春融夏秋炎熾山頂
有泉東入永昌西入騰越故又名分水嶺志云泉極清冽行者咸掬飲之蒙
氏封爲西岳永樂初平緬諸蠻刀幹孟叛何福討之躋高良
公山直抵南甸大破之正統二年麓川賊思任發叛斷潞江
守將方政擊敗之別將高遠追敗賊于高黎共山下乘勝深

入逼思任發于上江遇伏戰死七年督臣王驥等奉命進討分軍破上江賊寨中軍由夾象石渡下江道高黎共山進至騰冲其山延袤數百里當走集之衝戰守要地也一名磨盤山滇行記越怒江二十里爲磨盤山徑隘箐深屈曲僅容單騎爲西出騰越之要冲卽此山也又滇附錄云渡怒江至八灣度高黎共山其高四十里下山爲橄欖坡驛左渡龍川江其炎瘴同怒江過龍川地稍涼中國之西南界盡于此矣

玉龍山絳雲露山蒙樂山

玉龍山在麗江軍民府西北二十里一名聳雪山亦曰雪山

條岡百里巋鬼十峯上插雲霄下臨麗水山嶺積雪經夏不消玉立萬仞千里望之若在咫尺與蜀松州諸山相接蒙氏封爲北岳或謂之雪嶺唐貞元中韋皋約雲南共襲吐番駢之雪嶺之外蓋卽此嶺外也元至順初雲南諸王禿堅等作亂四川行省兵討之至雪山峽擊之敗羅羅斯軍滇志唐貞元年异牟尋稱日東王僭封五岳四瀆五岳者東曰絳雲露松外龍山在武定州祿勸縣東北二百八十里接東川府界亦名烏蒙山亦名雲竜山亦名絳雲露山亦名雪山北臨金沙江上有十二峯雄拔陡絕盤旋七十餘里唐貞觀二十年雋

滇粵
州都督劉伯英言松外諸蠻暫服亟叛請擊之以通西洱河
天竺之道從之明年遣梁建方發蜀十二州兵討松外諸蠻
殺獲十餘萬羣蠻震駭走保山谷遂遣使詣西洱河諭其酋
帥相率受命松外首領蒙羽亦請入朝是也南岳曰蒙樂山
在景東廳北八十里西南入威遠鎮康界西入雲州界東南
入者樂何長官司界長二三百餘里亦名无量山西岳則高
黎共山北岳則玉龍山中岳則點蒼山也東南兩山雖非險
要所係然亦境內之大山也

其大川則有金沙江

金沙江源出麗江府西北旄牛徼外以產金沙而名亦曰麗

水流入巨津州北境唐時謂之神川天寶以后吐番有其貞地置神川都督于此

元五年南詔破吐番于神川十年南詔復擊吐番于神川大
破之載記云南詔之地北至神川是也東南流環麗江府境
之三面流入寶山州境經州南而入鶴慶東北境又經順州
之南而入永北界從南而東入姚州之北境又東歷武定州
之北境又東達四川之會理州西南而合瀘水于是金沙江
亦兼瀘水之名由會理州而南卽武侯五月渡瀘處也兩崖
峻極俯視江流如在井底烟瘴拍天冬月行人過此亦皆流

汗惟雨中及夜渡乃无悞

元李京云從漢地至越巂道經金沙江計程一千三百里

由會

理而東北流經東川昭通府境又東北經馬湖府南為馬湖江又東流至敘州府東南而北注于大江蒙氏封為四瀆之一蒙古憲宗三年太弟征大理過大度河至金沙江乘革囊及筏以濟處蓋在麗江府之北又至順初搠思班討雲南叛者諸王禿堅等奪金沙江遂直趨中慶雲南平所奪蓋在武定姚安間也志稱雲南左右分畫界以大江東北曰金沙西北曰瀾滄是也

瀾滄江

樣備江附見

瀾滄江出吐蕃嵯和哥甸鹿石山一名鹿滄江亦曰瀾滄江亦作蘭倉水流入麗江府蘭州境南歷大理府雲龍州西又南經永昌府東北二十五里羅岷山下兩崖壁峙截若垣墉纜鐵蜚橋懸跨千尺亦曰博南津後漢書永平十二年得哀牢地始通博南山度蘭倉水行者苦之歌曰漢德廣開不賓度博南越蘭津渡蘭倉為他人指此也志云瀾滄江逕雲龍入永昌廣僅三十餘丈其深莫測其流如奔有大瘴零雨始旭草立葉脫時行旅忌之自永昌東流入蒙化西南界又流經順甯府東北至府東南二百二十里之半山下合于黑惠

江黑惠江者即樣備江也源出西番境內可跋海一云出劍川州南五里之劍川湖亦曰漾濞江亦曰瀘溪江流經大理

府浪穹縣西又南過府西之點蒼山復會西洱河程大昌曰唐樊綽以

麗水為黑水恐其狹小不足為雍梁二州界惟西洱河與漢志葉榆澤相准廣處可二十餘里既足以界別二州其流又正趨南海昔人謂此澤以榆葉所積得名則其水之黑以榆葉積染所成尤為確驗大昌悞以樣備水為葉榆澤也

流入趙州西北亦曰神莊經永昌府永平縣之東境經蒙化之西境又南至順甯府東北境南流至漳山下合于瀾滄江

志云瀾滄江中有物黑如霧光如火聲如析木破石觸之則死或曰瘴母文選謂之鬼彈又謂之禁水惟順甯江中有之他所絕无二水合流至雲州南又東南經景東及鎮沅西南過者

樂甸長官司南界達元江西南境車里宣慰司東北境又東

南為富良江而入于南海蒙氏以黑惠江瀾滄江皆列于四

瀆洪武二十年詔沐英于瀾滄江津要樹壘置守以備平緬

是也李元陽黑水考云禹貢黑水西河惟雍州華陽黑水惟

梁州又曰導黑水至于三危入于南海釋經者擬議其說而

卒無所據夫黑水之源固不可窮而入南海之水則可數也

何則隴蜀北入南海之水惟滇之瀾滄江潞江二水皆由吐

番西北來與雍州相連水勢並汨涌皆入于南海是豈所謂

黑水者乎然潞江西南流蜿蜒緬中內外皆夷其于梁州之

境若不相屬惟瀾滄由西北迤運而東南徘徊雲南郡縣之
界至交趾入海今水內皆爲漢人水外則爲夷緬禹之所導
于以分別梁州界者惟瀾滄足以當之孟津之會曰鬻人在
今北勝濮人在今順甯皆在瀾滄江內也地理志謂南中山
曰昆水曰洛山海經導水西流入于洛故瀾滄江又名洛水
言脈絡分明也元史至元八年大理勸農官張立道使交趾
至黑水跨雲南以至其國亦一證也夫在今郡縣之名不可
紀極而山川之迹則不可移不據不可移之迹而據易變之
名未矣所以然者論者但知隴在蜀之北蜀在滇之東北故

以禹貢黑水爲梁雍二州界又入南海爲疑不知隴蜀滇三
方鼎立隴則西南斜長入蜀滇則西北斜長近隴蜀則尖長
入滇隴之間故雍以黑水爲西界對西河而言也梁以黑水
爲南界對華陽而言也惟三危之山不可考或謂近在麗江
夫禹貢明言三危爲雍州山且三苗所竄豈在南夷之地乎
姑置之闕如可也

潞江

潞江在永昌府潞江安撫司東北五十里源出吐蕃雍望甸
南流經司北兩崖陡絕瘴癘甚毒夏秋之間人不敢渡本名

怒江以波濤洶涌而名也

滇記諸葛武侯六擒孟獲駐兵怒江之滸卽此

又東經永

昌府南百里復東南流經孟定芒市界達木邦緬甸入于南

海

潞江源委諸志皆以荒遠界之元人朱思本圖稍悉亦難盡據

蒙氏封爲四瀆之一正統

三年麓川土酋思任發作亂遣兵斷潞江立柵以守官軍討

之不得渡都督方政渡江擊走之四年復命沐昂等征麓川

敗賊于潞江進抵隴把

今隴川宣撫司治此

不能克而還或曰潞江自

孟定府西入于麓川江而麓川江自隴川宣撫司西南入于大

金沙江三水源异而歸同也麓川江者卽龍川江源出騰越

州徼外峩昌蠻地之七藏甸繞越甸而東南經高黎共山下

其渡處地名夾象石在江之東岸南流至南甸宣撫司東南

境爲孟乃河經芒市西界入隴川司東爲麓川江川流湍迅

蠻人特以爲險思任發之亂方政擊敗之于潞江西岸別將

高遠追賊度龍川江敗賊于高黎共山下乘勝深入與方政

等逼賊于上江上江賊重地也遠力憊无援敗政亦西度龍

川追賊遇伏戰死繼而王驥督大兵進討遣總兵劉敘自下

江夾象石徑進攻上江城壘破之于是驥引大軍由夾象石

度下江通高黎共山道至騰衝由南甸擣賊巢平之上江下

江者土人以江近麓川城爲上江而近騰越爲下江也由隴

川而南接芒市西界西南流入大金沙江即大盈江也亦名
 大車江源出騰越州西徼吐番界流入州境南流徑南甸及
 干崖司之西境有檳榔江亦出吐番界東南流合焉朱思本
 曰大車江檳榔江二水合流始名大盈江也大盈江又東南
 流遶芒市西南界隴川西北界又南而麓川江西南流合焉
 並流經孟養宣撫司東境方謂之大金沙江江合眾流水勢
 益盛浩瀚洶涌南流入緬甸界闊五里餘徑江頭太公蒲甘
 諸城而入于南海蓋雲南境之巨津又與東北之金沙江异
 流而同名也

龍川麓川大盈金沙諸川志
 皆錯雜不可考今略為定正

滇池

滇池在雲南府城南一名昆明池亦曰滇南澤戰國時楚將
 莊蹻滅夜郎至滇池以兵威略定其地又使部將引兵收伏
 西南諸蠻漢元封中欲討昆明以昆明有滇池方三百里乃
 于長安西南穿昆明池象之以習水戰漢蜀建興三年諸葛
 武侯征南中至滇池常璩南中志滇池縣有澤水周回二百
 餘里所出深廣下流淺狹如倒流故曰滇長老相傳池有神
 馬交則生駿駒俗稱之曰滇駒日行三百里南行錄滇池又
 名積渡池周廣五百里盤竜江黃龍溪諸水之所匯也稱南

中巨浸焉池中大小卧納二島水之下委爲螳蝦川榮回安甯州沿過富民縣而北達武定東北界注于金沙江今城西南八十里爲海口大河卽滇池導流處也滇記雲郡城金馬碧雞二山東西夾護旁山北來而環列于前中開一大都會滇池受邵甸牧羊山諸泉及黑白龍潭海源洞諸水滙爲巨浸延袤三百餘里軍民田廬環列其旁而洩于稍西一小河又折而北不見其去故又名滇海元史至元中張立道爲雲南勸農使以昆明池夏潦必冒城郭乃求泉源所出洩其下流得良田萬餘頃明初傅友德沐英駐守雲南皆事屯田而滇池之水皆首爲灌溉之利矣

西洱河

西洱河在大理府東源出鄧川州浪穹縣北二十里罷谷山滙山峪諸流又合點蒼山十八川而爲巨浸下流合于漾備江卽古之葉榆澤也相傳黑水伏流別派自西北來會于太和縣東而爲洱河后漢志注謂之焉河亦曰榆葉河水經注諸葛平南中戰于榆水南是也亦曰珥水以形如月抱珥也一云如月生五日亦曰珥海亦曰西洱海杜佑謂之昆瀾川漢武帝象其形鑿池以習水戰非滇池也古有昆瀾國亦以

此名隋開皇十七年史萬歲擊南粵叛蠻至南中過諸葛亮
紀功碑度西洱河入渠濫川行千餘里破其三十餘部唐武
德四年雋州都督韋仁壽檢校南甯將兵五百循西洱河開
地數千里置七州十五縣貞觀二十二年梁建方討松外蠻
破走之于是遣使詣西洱河諭其酋帥歸附者七十餘城復
遣其奇兵自雋州道千五百里掩至西洱河蠻帥楊盛駭懼
請降其西洱河蠻酋楊棟東洱河蠻酋楊欽等俱入朝或曰卽
一洱河而蠻分東西爲界也新唐書由雋州走三千里達西
洱河天寶九年鮮于仲通伐南詔十一年李宓又伐之皆敗
于西洱河形如人耳周三百餘里中有三島四洲九曲之勝
三島者一曰金梭一曰赤文一曰玉几金梭島亦名羅釜島
洱河東北岸青巔山島在其南玉几島以形如几案故名亦
曰玉案在洱河東岸赤文島亦名赤崖島四洲者一曰青沙
洲一曰大貫洲一曰鴛鴦一曰馬簾九曲者一曰蓮花一曰
大鶴一曰蟠硯一曰鳳翥一曰羅時一曰牛角一曰波堆一
曰高岩一曰鶴翥也皆可田可廬而大湖洲隨水浮沉冬夏
不改河遶城而西南流會于樣備江波濤千頃澄泓一色因
謂之西洱海志云洱河遶城西南由石穴中出石穴卽天橋

東岸有分水崖石如斧劃漁人謂自岸下分水爲兩南河北
海鹹淡不類河魚不入海海魚不入河元郭松年行紀曰洱
水涉歷三郡停蓄紫城東北自河首南盡河尾汪洋浩蕩周
回百有餘里今西洱河袤百里廣三十里蓋滙羣流而成也
其重險則有石門龍首龍尾二關附見

石門在麗江府巨津州西百里卽唐時石門南道也從會川
渡金沙江西南行由此入南詔之羊苴咩城諸葛武侯由此
征南中史萬歲由此擊叛蠻韋仁壽梁建方亦由此平西洱
諸蠻韋皋復由此通南詔滇記天寶中鮮于仲通討南詔下

兵南溪石門道遂閉韋皋通雲南以蠻經北谷近吐蕃乃復
治石門道由黎州出邛部直達雲南謂之南道龍首關在大
理府北七十里周四里四門當西洱河之首亦曰河首關府
南三十里有龍尾關周三里三門關南有橋橋南有壁當洱
河之下流亦曰河尾關自河尾順流而下約里許亦有石門
巨石橫眉號石馬橋爲羣波爭道之地懸流奔注雲濤雪浪
聲聞數里郭松年行記自趙州舟行三十里有河尾橋架木
爲梁長十五丈餘穹形跨水睨而視之如虹霓然橋西則爲
龍尾關北入府城之路南詔皮羅閣所築最險固高壁危構

歸然尚存稍西南則爲石馬橋亦曰天橋河鍾記云取道龍關南循洱河往觀天橋及石門關出石門如行成皋之虎牢沓障巉巖可百餘武名一線天爲洱水故道險阨之地也是龍尾關南又有石門矣五代晉天福二年段思平自石城見曲靖府起兵鼓行而西遂入關滅楊干貞代有其地明初傅友德攻大理其酋長扼下關以守沐英至品甸卽雲南縣遣別將由洱水東趨上關爲犄角勢自抵下關造攻具夜半潛遣一軍由石門間道渡河遶出點蒼山后攀木緣崖而上立旗幟昧爽大軍全抵下關望之踊躍譁噪敵衆驚亂沐英率軍策馬渡

河斬關而入山上軍望見亦下攻之敵大潰拔大理城旣而分軍出上關取鶴慶略麗江又出石門關下金齒是上關亦可兼石門之稱也滇略云龍尾關有伏波廟世傳諸葛武侯駐兵滇水上一軍皆瘴因禱伏波之神得愈關東又有戰士塚唐天寶中李宓喪師處也又天橋在府西南三十五里兩山輻輳中有文餘水從空中出南岸石谷上特高出丈許其微不相及處有巨石覆掩非人力可致過石橋攀鳥道數十武爲達樣備孔道此石橋東岸也循岸南行里許有地名不落梅乃洱水出橋外石崖懸瀉數十尺沖激亂石濺水上起

如梅花此下關外之極勝也自上關以外出石門而北下關以外出石門而西者皆謂之天威逕唐顧雲詩雲南八國萬部落皆從此路來朝天蓋石門之係于雲南豈淺鮮哉

雲南府昆明縣

五華山 在城內上有五華寺俯見昆明池 螺山在城北舊名盤昆山山童然皆石深碧色蟠旋如螺髻因名下有二洞曰潮音曰雲津深杳莫測自滇池中望之惟螺山與碧雞獨高 商山在螺山北去城二十里連峰疊嶂丹崖翠壁有鸞停鵠峙之態冷泉在其下或曰商山一名蛇山即漢書所

謂陞山也漢書志注來惟縣有陞山出銅陞胡工反

玉案山 府西二十五里一名列和蒙山山秀麗多泉石南去滇池十餘里遠望出西南諸峯之上一名碁盤山下有菩提山泉又府北二十五里有文殊山一名蒙帶雄山文殊泉出焉流過松花堰入于西湖合流焉

金馬山 府東二十五里西對碧鷄山其相距五十餘里其中即滇池也漢宣帝神爵元年方士言益州金馬碧鷄之神可祀而至乃遣諫大夫王褒求之即此其山不甚高而綿亘東南數十里源泉出于山巔又有長亭下有金馬關元至

順二年雲南為諸王禿堅所據官兵擊之戰于金馬山獲其
黨伯忽又至正末明玉珍將萬勝攻雲南梁王索羅走金馬
山勝入城索羅復回攻之勝敗走明初沐英等帥師至雲南
之板橋進駐金馬山是也 龍泉山在府東北二十里下有

龍湫

碧鷄山 府西南三十里東瞰滇池蒼崖萬丈綠水千尋下
有碧鷄關又碧鷄西南有太華山有太華寺下瞰滇池左環
右遶稱滇池絕勝 萬德山在滇池北二十里又西十里許
曰進耳山天外三峯其形如筆架

海源洞 在城西二十里中容數百人四崖削立石乳奇幻
下有龍湫其水清淺四時不竭流入鴛鴦池又注為黑龍潭
潭深不可測一名黑魚池志云池在府西北二十五里又西
為白龍池自白龍池西十里曰橫山水洞一山橫立如墻鑿
山凹為東西洞引泉以灌溉八村之田洞高五尺廣二尺自
西跨東五十有八丈得泉二十二道宛延縈迂四千一百八
十三丈有奇奇勝不一滇記橫山水洞隆慶六年左布政陳
善始成是役灌田四萬五千六百餘頃

滇池 在府城南府之西南八十餘里為海口池水由此北

滇東
入于富民縣會于廣翅塘通金沙江處也海口財賦歲以億計咽喉通塞利害最大元至元中張立道濬之以泄滇池之泛溢宏治十四年撫臣陳金亦濬治之歲一疏浚出賦田正供謂之海夫餘詳見大川昆明池云

西湖 在府城西卽滇池上游也亦名積波池俗曰草海子又曰青草湖周五里有奇蒲藻常青爲游賞之地又九龍池在城內中多廢圃亦曰菜海其平者爲稻田下者爲蓮池沿五華之右貫城西南流入順城橋會于盤龍江以達滇池也盤龍江 在府治東十五里源出嵩明州故邵甸縣至東西

二山九九十九泉合流西注曲折而南入于滇池

金稜河 府治東十五里俗名金汁引盤龍江水由金馬山麓流經春登里灌溉東鄉之田爲利甚廣蒙段時隄上多種黃花名遶道金稜元賽典赤瞻思丁復修築爲堤又府西十里銀稜河俗名銀汁亦引盤龍江水由商山麓流過沙浪里南遶府治蒙段時隄上多種白花名縈城銀稜宏治中嘗濬二河亦謂之東西溝 寶象江在府治南源出楊林之上板橋分瀉至此注于滇池

松花壩 在府城東北爲滇池之上流元賽典赤瞻思丁增

修二堰灌田萬頃又有南壩閘在府城之南東北諸泉舊由銀稜河入于滇池恐其泛溢故築此以障之
金馬關 在府東七里金馬山下舊有關城元築今廢又碧鷄山之北麓爲碧鷄關 雲津橋本名大德明初修造更今名稍西爲通濟橋跨金稜河上流元末梁王殺平章段功于此今水涸而橋存又伽橋在府西北元至順初躍里送木兒收復雲南取安甯州將抵中慶賊拒戰于伽橋古壁中復敗之

官氏縣

靈芝山 在今縣西南二十里爲赤昇化山元延祐中改今名又縣東南三里有洞口山下有水從洞中流出經縣南入于安甯河志云縣南十餘里有三卧山一曰顛卧山今名真和山一曰嚙卧山今名魯和山一曰蒙課卧山今名無法和山又縣北十五里有黃賢山
螳螂川 在今縣治東源自滇池滎流安甯州境又東北入縣界又北歷武定境入金沙江晉大甯二年蜀李驤寇甯州刺史王遜使督護姚岳與戰大敗之于螳螂川或以爲卽此地也

直隸 五之一

山川

六

十五

安甯河 在縣西南志云河出安甯州入縣界又經羅次縣
爲沙摩溪至祿豐縣爲大溪至易門縣爲九渡河流入元江
州界

洩札郎水 縣東北十里西入大溪又縣北五十里有農納
水源出武定界亦西南流入于大溪

宜良縣

水井山 縣西四十里本名觀音山頂有泉因改今名其南
有岩泉山又有多容山在縣東十里縣之鎮也

諸葛洞 縣南小石嶺諸葛武侯南征時置營于此亦名諸

葛營

大池江 今縣東八十里一名盤江一名大河從曲靖府陸
涼州流入境六十里出縣界入于澂江府界謂之鐵池河
大城江在今縣東源自澂江府楊宗海流經縣界下流入于

盤江

羅次縣

九戍山 在今縣南五里以九峯高起而名一名九湧山又
玉龍山在縣東南五里中有石竇湧泉如玉龍因名 穹盪
山在今縣之南十五里烏蠻謂之掘峻峯又有苴糜崩衮山

沙泉
譯云子望母山也有二一在縣之舊治東北四十里一在縣之南三十里兩山相望因名之

沙摩溪 在縣西自富民縣流入境卽安甯河也流入祿豐界謂之大溪 星宿河在縣西北自武定流入境又西南入祿豐

煉象關 在縣東百里有巡司戍守滇程記作棟椽關關北二十五里曰矣者村東十五里曰清水溝

晉甯州

高松山 在今州東五里山多松樹形如盤龍故又名盤龍

山又州西三里有海寶山相傳山下有穴滇池之水由此泄入澂江府之龍泉溪又西二里曰金沙山以其砂石如金而名也 五龍山在今州南五里上有五龍泉一名小石屏山又光長山在今州西南二十里北瞰滇池

大堡河 在今州之西志云其源出于澂江府之新興州界流經州之永興鄉分流入于滇池云

忽納塞 在今州西洪武初兀爾密聞曲靖破走入晉甯州之忽納塞赴滇池死卽此塞也 又有儒甯驛在今州西北去府城八十里又南七十里而達于澂江府之江川驛

呈貢縣

羅城山 在縣西二十里山高聳將雨則有白雲卷舒于其間
交七浦 縣西南四十里廣二百餘畝志云滇池之下流也
有金鯉潭在治南卅里之白馬勃村舊為平原恒苦亢旱隆
慶六年九月田中忽水湧成深潭有金鯉游泳其中遂為一
方灌溉之利

白龍潭 在縣治西十里

三台山 縣治北三山相倚如台是因名一名萬福山 象
兒山在縣之西南十五里舊有蠻寨為恃險之處

滇池 縣西南三十里烟雲萬頃支流環遶邑中資以灌溉
又落籠河在縣北十里南流入于滇池上有天生石室

安甯州

呀嘜山 在州西北五里州之主山也山下出鹽水漢志連
然有鹽官華陽國志連然縣有鹽泉南中所共仰滇城記安
甯民食馬蹄鹽鹽產象池并今州治西古阿甯地有鹽課提
舉司轄鹽井四列于司治之東也

洛陽山 在州東十里山頂平夷峰巒峭立下有泉流經東
橋下入于螳螂川溉田三千餘畝志云州治有青龍山出泉

極甘美又城內太極山亦高聳秀拔與虎邱連山分歧 岱
 晟山在州北十五里山高聳今名筆架山亦曰坎山又慈山
 在州西北二十里高聳冠諸山其北復起為鳳城山云
 螳螂川 在州南源出滇池縈迴州治東北流入富民縣界
 州中有沙洲形似螳螂因名又有安甯河在州西亦流入富
 民縣界

湯池 州北十里亦名碧玉泉滇略云滇溫泉至多而州之
 碧玉泉為冠四山壁立中為石坎飛泉注之焉

鹽井 在州治西志云安甯提舉司有大井石井河中井大
 界井新井其新井舊無今有故止稱四井

祿脹驛 在州治西五十五里兼置巡司于此亦曰祿曠地
 食谷鹽產黑井中又西八十里而達祿豐縣之祿豐驛

祿豐縣

南平山 縣西十五里三面陡峻惟南稍平因名縣東北三
 十里有吃陵山本名驥琮籠山羣山之中一峰高聳有泉又
 有古營壘即驥琮籠城也志云縣治西五里有蒙荅縛山勢
 如平障今名三次和山

星宿河 在縣西北源出武定州過易門縣而入元江州境

大溪在縣東其源卽安甯河也自羅次縣流入縣界又南流入于易門縣界

老鴉關 在縣東八十里又有獅子口路迤臨澗壑諺云獅子口十騎九下走又有煉象坡棠梨哨皆險隘處也楊用脩云十里棠梨哨三重棟象坡是也其間有草名金剛鑽碧幹而蝟芒形肖刺桐其漿能殺人

蘭谷關 在縣西與楚雄府接界兩山夾水鳥道羊腸自縣至楚雄府者爲必由之道也又有六里箐溪谷蒙籠林木茂密與蘭谷關並稱深險皆行旅之必經也又有南平關在縣

西南平山上志云關東二十五里有清水河西三十里爲神子溝

昆陽州

長松山 在州西五里望之鬱然深秀又州北十里有望州山其勢昂聳回顧州治 珊蒙古山在州西十里頂秀三峰奇分八面

渠濫川 州東南五里東北流入于滇池隋開皇中史萬歲爲行軍司馬自蜻蛉川至渠濫川破夷落三十餘部卽此雲龍山 在三泊西北十五里岡巒秀聳四時蒼翠將雨則

雲凝其上 慈蒙卧山在州北十五里山之東卽河東城之舊址又滑光習山山在三泊之西南三十里巖上又有一小城蓋爲蠻壘云

三泊溪 縣志云望洋鳴矣利資三河縈抱焉是爲三泊下流亦入于滇池又有烏蟻河在北流合于三泊溪

易門縣

娘當山 在今縣治北舊名文晟智桶山山有三峰峰甚高聳縣志云山一名智勇山又名娘當山 蒙低黎巖山在舊縣治南五十里高插雲漢下有平谷宜畜牧異馬多產于此

志云山一名馬頭山又名黎崖萬厯初撫臣鄒應龍斬馬誓蠻于山上亦名斬馬山又祿益惡危山在舊縣西百里有闕依至城昔鄩闡邊戍之所今蓋名祿益山云

九渡河 在今縣之西卽祿豐縣之大溪也流入于縣境爲九渡河

嵩明州

羅錦山 在州東北十五里巖石峭立文彩若羅錦因名下有羅錦泉里中之田資其灌溉志云州治北有蛇山形如盤蛇一名黃龍山 秀嵩山在州東二十里聳出霄漢環州衆

山皆出其下俗呼搖鈴山相傳于蜀漢時孟獲立寨于此

彌雄山 州北三十里蒼崖疊出望之鬱然土壤肥沃果蔬

繁美今名彌雄山彌雄水出焉南入羅婆澤

軟雲山 在今州東四十里世傳蒙世隆征烏蒙得四女歸

道經于此四女登山歎望忽山巔霧起結成三峯蠻語三為

軟峯為雲其山嶮峻特峻登眺則一郡之境悉在目中一名

峻慈山云

東葛勒山 在故邵甸縣西北高三十里為南中之名山也

烏納山在廢楊林縣南十里有石若馬頭土人以烏納名之

山周百餘里西接呈貢東接宜良多水草利畜牧楊林山在

廢縣治東羣峯屏列山麓有石如羊故名羊林元至元初改

今名也

龍巨江 在今州之東一名龍濟溪源出于尋甸之西南梁

王山流入境至州東南合流于嘉利澤 牧樣山在州西南

源出烏納山之牧樣澗其西南入于滇池也

嘉利澤 在今州之東南十五里周百餘里水可以灌魚可

以食即楊林澤也或謂之楊林海子又或謂之羅婆澤志云

州西中和里有兩泉對流名對龍泉流百餘步復合流入嘉

利澤中

邵甸河 在州西六十里楊慎云河有泉流二皆發尋甸梁
王山西北一自牧羊村歷核桃村至高倉入河一自岫澤屯
入河二水交流至廻犁灣松花壩磬石過流入于盤龍江襟
帶滇池浸灌腴田殆萬餘頃

楊林驛 在州西南輿程記自曲靖府之馬龍驛西行八十
里至易龍驛又七十里至楊林驛又西百里達雲南府治

武定直隸州

獅子山 城西五里高千餘仞頂平曠有石岩狀如獅子中

巖深谷可容萬人又有泉自山岩噴出縮為小池郡郭羣山
錯立此為最勝又三臺山在州西北六里高可千仞叠起如
臺隆慶初土官鳳繼祖叛築寨于此為拒守處 五峯山在
州東三里攢列迤前又州南二十里有天馬山其相接者曰
筆架山連峯並峙為南境之勝

左邱山 州西北二十五里中平坦有澤廣五畝水泉無盈
涸名洗馬池分流東注一為勒洩溪一為東波溪又雄軸龍
山在州西北八十里形勢峭峻林麓茂密 猗雜山在和曲
舊治西北有泉下流為南甸河又哺娃山在州西南五十五

里山勢險峻有懸瀑千丈下注城池夷名哺娃洩

紅崖峽 州東北四十里東枕溪流險峻難涉宏治中土知

府鳳英始築路以便行者又武陵洞在州北八十里夾甸西

山洞深不測內有流泉州西又有三石塔洞泉石甚幽勝

金沙江 州北三百八十里自姚安流入界又東達四川會

川衛界之廢蔡溪州有金沙江巡司戍守楊士雲曰自府境

金沙渡即北達會川衛不過七十餘里蒙氏四瀆之一也詳

大川金沙江

烏龍河 在州北五里源出祿勸之烏蒙山繞流經此溉田

數百頃下流入于金沙江又西溪河在州西北即楚雄府之

龍川江也自定遠縣北流入界又西北至元謀縣西而入于

金沙江又勒洩溪在州東北出佐邱山與東坡溪皆分流而

東北出注於金沙江

惠孀湖 在州西北八十里湖方四里茂林掩映水色清碧

深不可測 廣翅塘亦在州西北志云安甯州螳螂川經富

民縣境又北入武定州界為普渡河滙于廣翅塘入于金沙

江

只舊鹽井 志云距州百六十里又草起鹽井距州二百里

俱產鹽以爲民利

虎市橋 州東北一里相近又有龍澤橋兩崖石壁削立相對跨以木橋下臨龍澤深淵莫測又仙人橋在州西北三十里地名龍三藏水出巨壑間澗邊有石兩隅擁出相接而成梁

元謀縣

馬頭山 在縣南連亘四十里地勢最高東望尋甸南見楚雄北眺黎溪西瞰大理縣境之鎮山也 吾梁山在縣北三十里孤獨秀拔登臨最勝其相近者曰雷應山高三十餘里

綿遠深秀頂有古利應元溪經其下又西北四十里爲盤龍山志云縣西北又有火焰山

往雄山 縣西北十里壁立百仞頂摩蒼空西枕樊陋甸東連諸山環于縣境一名法靈山俗名環川山 竹沙碓山在縣西北二百里四面卓立高出羣山竹木叢茂人跡罕至 金沙江 在縣北百八十里自姚安東流經此縣境羣川悉流入焉 西溪河在縣西其上流爲龍川江自州境北流經縣境又東北流入金沙江

應元溪 在縣南志云自武定之虛仁驛流經馬頭山下合

于紀寶溪 紀寶溪出楚雄府定遠縣界之苴甯山北流入
縣境合注應元溪居民多引以灌溉下流皆注金沙江

祿勸縣

法塊山 縣北一十五里四面削立惟東南有一徑可容單
騎旁有裏阿籠山又哇歪山在法塊山西巔曲而平可容萬
家 幸止山在故易籠縣東北四面險絕頂有三峯可容數
萬家者爲羅婺寨有天生城牢不可破

烏蒙山 在州東北二百八十里一名絳雲露松外籠山與
東川府接境山北臨金沙江山有十二峯聳秀爲一縣諸山
之冠八九月間其上常有雪又頂有烏龍泉下流爲烏龍河
蒙氏封此山爲東嶽附見前名山

烏龍河 在縣北源出烏蒙山下流入金沙江 普渡河在
廢石舊縣東南北流入于烏龍河
掌鳩水 在石舊廢縣繞縣三面凡數十渡東流合普渡河
其合處形如獅子一名獅子口

大理府太和縣

點蒼山 在府城西巍峩秀麗爲南中奇勝頂有高河泉深
不可測分爲十九峰又有瀑布諸泉流爲溪環繞于羣峰間

南詔嘗封此山爲中岳詳見名山點蒼

玉案山 在府西南葉榆河之東相傳漢元封初司馬遷徙昆明嘗至此觀西洱河或云司馬相如奉使時亦嘗至焉山形秀整亦謂之玉几島與青巔羅筌相映帶共爲西洱河之勝詳見大川西洱河

雞足山 府東北百里與賓鄧二州接界前有三距后起一尖形若雞足因名志云山峰攢簇如蓮花狀盤折九曲松杉鬱蔥其崖壑泉澗之屬以數百計上有石門號華首門儼如城闕人莫能過佛寺環列金碧輝映絕頂五更見日出之光

遊人經旬乃盡其勝

西洱河 在府城東亦曰葉榆水源出浪穹縣罷谷山流經府西北而至城東點蒼山十八川之水皆會于此又西南流于樣備江詳見大川西洱河

樣備江 在府西源出劍川州之劍川湖流經浪穹縣過點蒼山后會西洱海出天橋而入趙州界詳附見大川瀾滄江喜洲 在府北五十里其地名何矣城村自古通曰點蒼山脚插入洱河其最深長者惟城東一支與喜洲一支云龍首關 府北七十里亦曰石門關又謂之上關城有四門

府南三十里為龍尾關亦曰下關城有三門皆控點蒼洱海之險為拒守要地詳見前重險石門

天橋 府西南三十五里一名石馬橋下斷上連絕壑深險洱河之水從此洩而南注郡境無泛溢之患志云天橋石梁橫互憑虛凌空渡者仄足而過稱為絕險

五華樓 在府治西唐大中十年南詔晟羅祐所建以會西南夷十六國君長樓方廣五里高百尺上可容萬人元太弟入大理駐兵樓前至元三年修治今故址猶在亦曰五華臺祭天臺在府城西其地有武侯祠祠後有山岡臺在其下今

壇址猶存相傳武侯祭天畫卦處也一名畫卦臺

三塔 在府城北中高四百餘尺凡十六級旁二座差小相傳唐貞觀六年尉遲敬德監造開元初重修其寺曰崇聖城南有塔一高二十六丈級十六其寺曰宏聖在玉局峯東一里

趙州

三耳山 在州治西里許有三峯高竦如耳一名鳳儀山以一支兩翼如鳳來儀 其東為龍伯山與鳳儀相對俱點蒼之南支 宿龍山在州北十五里頂有浮圖唐鎮南將軍韋

仁壽所建又州南有五佛山山下出泉不竭不溢謂之聖泉
九龍頂山 在州南五十里九峯相屬望之如龍與雲南縣
接界 西山在白崖川西有畢鉢羅窟一名賓波羅窟岩壑
竦拔十餘丈有獨木橋十餘所樵子猿捷者乃能履之而過
謂之仙橋志云畢鉢羅窟山在州東六十里北去賓川州二
十里

定西嶺 州南四十里本名昆彌山平西侯沐英過此更今
名嶺高千餘仞設關其上波羅江出焉又嶺東南七里有故
壘蒙古滅大理時屯兵處也俗謂之達營

樣備江 在府西北自太和縣流入界又南流入蒙化廳境
波羅江在州治東南有二源一出九龍頂山一出定西嶺合
流而北經州治又西北流入西洱河一名神莊江

白崖險江 在州東南志云出白崖西山之畢鉢羅窟流經
蒙化廳之南澗爲禮社江之上源亦曰白崖川又赤水江在
州南四十里源出定西嶺東南流亦入蒙化廳界合于禮社
江又昆雌江在州西南六十里源出蒙化廳之巍山流入州
境合于赤水白崖二江

彌渡市 在州南九十里相傳諸葛武侯曾築城于此名諸

葛城又市東有乾海子多沙无水今移府通判駐此城西北
鐵柱蒙世隆建極十三年立蓋唐咸通四年也

雲南縣

青華山 縣南五里下有洞濶十丈山僅培塿洞中甚深邃
不可窮旁有石竅光若天窗然滇紀自洱海衛城西行通蒙
化廳左有青華洞中極寬衍是也 水目山在縣南二十里
一名寶華山巔有泉深不可測

安南坡 在縣東南滇程記自鎮南州普湖驛六亭而達雲
南縣界所經者桃樹坡金雞廟孟獲箐安南坡坡有巡司下

坡地復坦夷相傳古雲南郡治此土人稱為小雲南以別于
雲南治城云

葉鏡湖 縣南三十里中有石如鏡因名又清湖在縣西南
十里湖水恒濁永樂七年黃河清此水亦清自是不復濁因
名清湖

品甸陂 在縣西三十餘里志云唐初嘗置波州于此其地
川原饒沃亦名清子川甸中有池亦曰清湖灌溉甚溥又品
甸灣在縣東北十里相傳蒙氏嘗置品甸縣于此元千戶所
以此名 溪溝在縣西三里源出寶泉山西流入彌渡夾溪

十里多花卉亦名萬花溪

歸山 在十二長官司西峯巒竦峙爲境之望志云司北百二十里有赤石崖大山箐西三十里爲乾海子山箐六十里曰楚場山箐南四里卽你甸也
一泡江 在司南渡流湍急自歸山而東歷司城南北流入姚州界注于金沙江

鄧川州

鼎勝山 州東南十里孤峯特竦洱水爲襟登山一望波光萬頃實爲奇勝志云州治旁有象山其南爲伏虎山東北曰國牛山俱以形似名又東山在州東十里山麓崖下有泉注爲池深不可測謂之星鯉泉又東爲獅舌山以山形如獅吐舌也下有龍潭與昇勝山皆環峙州治並爲形勝
鍾山 縣北十五里滇紀云唐開元中遣賧詔酋咩羅皮據大釐爲南詔所攻率其部據鍾山之險以自守卽此山也
豪豬洞 州東二十里山頂有石墻遺址下有龍潭滇志孔明獲孟獲于白崖獲引所部至銀坑山一名豪豬洞險絕非人力可到孔明出奇策擒之是也洞南有諸葛寨相傳武侯駐兵處滇紀云寨在州東三十里

普陀江 在州北其上源卽浪穹縣之穹河東流經州北折而南流入于西洱河一名彌苴佉江或謂之葡萄江卽普陀之譌也

上洱池 州南十五里卽普陀江之旁出者又南五里有油魚穴皆流入西洱河 南詔潭在州西南二十里廣十餘畝三山環匝其一面峻壁如石墻潭深莫測昔人嘗避兵其中佛光砦 在州北三十里與浪穹縣佛光山相接滇志初孟獲自豪猪洞被擒丞相亮復縱之獲走佛光砦據險堅守漢兵不得進乃由漾鼻江而北出砦后遂破之傅友德等旣平

大理餘孽普顏篤復叛據佛光砦先不華據鄧川友德自七里關回軍大理平鄧川破佛光砦遂過金沙江下北勝麗江巨津之境是也

阿這店 州東八十里接永北賓川兩界又州東南有青索鼻廵司志云司南十五里地名乾海子

浪穹縣

甯山 在縣西形如鳳翼一名鳳翌山又龍應山在縣東二十里峻拔高聳上有石岩

佛光山 縣東北二十三里山盤亘廻遶接鄧川鶴慶之界

佛光岩以此名其南巋然險絕山半有洞可容萬人山后尤
爲險峻僅容一人名曰一女關山下又有九石竅泉出其中
名曰九龍泉流入穹河

蓮花山 在縣東北四十里形如蓮花三面陡絕惟一面僅
容單馬其相連者曰蒙次和山三面絕險一面臨河六詔時
施浪詔居此兩山下亦曰蒙次和村唐開元末爲南詔所分
設三營以守之元太弟自石門入取大理見三山爲衿喉之
所乃留達軍二百戶鎮之亦分爲三營志云三營在蓮花山
下是也

罷谷山 縣北二十里水經注罷谷之山海水出焉其山空
洞泉涌起如珠樹乃瀾滄江之伏流也 鳳羽山在縣西南
三十里郭義恭廣志所云吊鳥山也后漢志水經注皆云牒
榆縣西北八十里吊鳥山俗言鳳皇死此羣鳥來吊云滇
志云山舊名羅坪山或作羅浮山蒙氏改爲鳳羽山

普陀崕 縣東南十五里爲往來要隘之地其南有龍馬洞
深不可測石壁上馬迹猶存去普陀崕東十里曰下山口南
二十里曰悶江門西三十里曰大樹關北三十里曰觀音山
樣備江 在縣西百里自劍川州流入縣境有上下江嘴又

南流入太和縣界亦曰漾鼻江或謂之漾鼻二水蓋同流而
異名也唐景龍初吐蕃及姚州蠻寇蜀使唐九澄爲姚嶠道
討擊使擊之虜用鐵梁漾鼻二水通西洱蠻築城戍之九澄
自嶠入永昌戰皆捷盡據其城壘毀垣焚橋勒石于劍川建
鐵柱于滇池俘其魁帥而還吐蕃渡處蓋在縣境志云上江
嘴東去羅平山麓五里下江嘴東去羅坪山二十里

宵河 縣西北五里通志罷谷之水注于宵河亦曰明河又
云宵湖下流卽葡萄江也一統志明河宵湖周圍五十里水
色如鏡 魚子湖在縣西水色青碧合于宵河一名龍池

鳳皇臺 縣治北六詔施望欠所築台下有白沙井泉味甘
冽亦施望欠所鑿也又縣東二里有九氣臺臺九竅下有溫
泉其氣從竅而升台因以名

賓川州

鍾英山 在州東基垂百里產竹箭饒鳥獸毛革之利 翠
屏山在州西北四十里形方頂平蒼翠橫列如倚屏然又烏
龍山在州西南四十里岩壑玲瓏東麓有白塔又有烏龍池
移水下道諸堰皆仰給焉

雞足山 州西四十里與太和縣及鄧川州接界亦名九曲

山一統志山在洱河東百餘里峯巒攢簇狀若蓮花九盤而上亦曰九重岩其南有上倉湖最為幽勝餘詳見太和縣

金沙江 州東北百五十里自永北廳東南流經此入姚州境有巡司戍守志云金沙江東北有漢遂久廢縣古稱白門謂入白果國之門也白果即白厓矣

金竜湫 在州西百里洱河東通志大理之龍潭有三在趙州乾海子哨者曰乾龍潭在鄧川州鍾山寺鷄足石側者曰大龍潭在賓川州西龜山東者曰紅崖龍潭今引潭為渠溉田萬頃

雲龍州

赤石崖鎮 在州東志云州境東接姚州南接趙州嘉靖以前土蠻剽劫往往出沒于山因置戍于赤石崖諸處與姚州雲南十二關互為應接又有賓居巡司本名蔓神寨又有神摩洞俱在州界

蘇溪 在州西北與浪穹縣五鹽井課司接界下流入于瀾

滄江

諾鄧井 州西北三十五里鹽井也置鹽課大使于此所轄

又有石門一井又大井在州東南三十五里產鹽所轄又有

內井及天耳井又師井在州西北百三十里順盪井在州西

北二百五十里俱有鹽課大使舊屬五井提舉司萬歷末廢

提舉司改屬州其井新舊五井仍與浪穹境內洛馬鹽課使

統為五井云今順盪改歸麗江

雲龍甸 州東北七十里甸廣衍宜畜牧

麗江府麗江縣

象山 府西北五里形如伏象山上有泉曰象泉又東山在

城東二十里一名吳烈山峯巒起伏環拱郡治

雪山 府西北二十餘里即玉龍山也蒙氏封為北岳詳見

名山內

珊瑚外籠山 府西南二十里孤峯崔嵬多產箭竹又馬左

野山在府南三十五里土人常牧犁牛其中名馬左野池

金沙江 一名麗江從巨津州流入界環府境之南流入寶

山州界詳見大川金沙江

清溪 在府城東南其源有二一出東山一出雪山至府城東園里而合流遶府城之前灌溉甚溥今城東五里有東園橋跨青溪之上 龍潭在府西南十里濶數十畝深不可測 大匱砦 在寶山州界唐時麼些蠻兄弟七人分據七寨曰大匱曰羅利曰羅寺曰碍場曰卞頭場曰當坡維場曰當將元太弟征大理自卞頭濟江由羅那至羅寺圍大匱等寨即此是也

雪盤山 蘭州南十里四時常積雪下有白石溪 福源山 在蘭州北十里延亘而東南凡五十餘里又有老君山在蘭

州西北二十里古名如刺均山頂有深淵五所一名牧羊山土人常牧犁牛于其上

瀾滄江 州西北三十里源出吐蕃流入境又南入大理府雲龍州界 白石溪在蘭州南中多白石下流入瀾滄江

華馬山 巨津東南百五十里崖壁有石如馬而石班爛因名昔麼些詔自名其國爲花馬國元太弟南滅段氏時三賧土會麥良內附弁破鐵橋之華馬因以功授職卽此又東北二十里有金馬山南有石如馬而色黃因名

漢敷山 巨津州西北二百八十里高可百仞上有三湖各

寬五畝深不可測 果舖山在廢臨西縣治西今入蕃界

金沙江 在州北亦謂之神川唐貞元五年南詔异牟尋破

吐蕃之神川遂斷鐵橋吐蕃溺死者萬計十年异牟尋復擊

吐蕃于神川大破之取鐵橋十六城是也元志江為南詔吐

蕃交會之大津渡故以津名州

雪山關 在州東北亦曰雪山門舊名越滅根關在吐蕃麼

些之界極為險峻 石門關關在州西百里有巡司所二斷

鐵橋以限吐蕃石門坎絕西域是也唐貞元九年韋臯遣崔

佐時由石門趣雲南復通石門南道蓋謂此

鐵橋 在州北百三十餘里跨金沙江上或云隋史萬歲所

建或云南詔閣羅鳳與吐蕃結好時建或云吐蕃嘗置鐵橋

節度使是其所建唐史天寶初南詔叛唐于麼些九賧地置

鐵橋跨金沙江以通吐蕃往來之道貞元十年异牟尋歸唐

襲破吐蕃于神川取其鐵橋十六城十五年吐蕃復襲南詔

分軍屯鐵橋南詔毒其水人畜多死乃徙屯納川志云時吐

蕃置鐵橋城于此為十六城之一今有遺址其所跨處皆穴

石鎔鐵為之冬月水清猶見鐵環在水底又舊志鐵橋在施

蠻東南一云施蠻在鐵橋西北居大施賧鎖賧尋賧又順蠻

在鐵賦西北四百里新唐書昇牟尋大破吐番于神川并破
 順施二蠻虜其人置白崖城是也又元志漢裳蠻本漢人部
 種倚鐵橋而居今有古宗蠻在鐵橋之北一名西番一名細
 腰番云明初裂吐番二十三支分屬郡邑地土官轄之麗江
 控制古宗餘州部各有所轄蓋制蠻夷之善策也
 白馬寨 在州南二里唐書云姐羌白馬氏之裔居此因名
 州境又有甯番司及清水瀾滄二驛

鶴慶州

覆釜山州西五里為郡鎮山形如覆釜南北諸山皆拱翬之
 下有龍潭又有金燈山在覆釜下亦名秀臺山其相抱者曰
 仰止山 金鳳山在州西二十五里又州北三十五里曰逢
 密山有三峯入雲山腰有洞極幽勝謂之青元洞
 峯頂山 城東七里峯巒起伏南控龍珠山北抵麗江界下
 有五泉可以溉田 龍珠山在州南二十里石坪下有石穴
 樣共江之水趨此穴而流入于金沙江或謂之象眠山志云
 象眠山在城東南二十五里山勢逶迤如象眠然因名
 拱面山 在州西北五里山高百仞一峯拱向郡治林巒環
 映陰晴異態又州西南十里為朝霞山山半有風洞又西南

二十里曰垂珠洞又西二十里曰金斗陂下有銀泉

方丈山 城南百二十里志云南詔名山凡十七此其一也南接點蒼鬼戩峻拔山半有洞曰太極洞中有池曰金龍潭深不可測一名觀音山南去浪穹縣僅四十里又半子山亦在城南百二十里產礦山也山北有湧泉伏流二里許始洩爲三派居人賴之又南五里爲豸角山以形似得名桃柎江出山下流入南山岩穴中

大城坡 州東南七十里頂有泉源廣僅尺許不溢不涸行人資焉謂之一碗水又州城南百三十里有煉塲岩下有溫泉岩石層疊可數十仞大孟岩在州東南百八十里石壁峭立其形如城

松桂臺 在城南六十里傳潁川征佛光砦常屯于此又城北八里有象跪石相傳元太弟自麗江石門關輜重至此象跪不前因名

漾共江 在州治東南卽雀川也濶十餘丈源出麗江界流入境至象眠山麓羣山環合水无所洩瀦而爲湖入城東五里之石穴復出名爲腰江東與金沙江合流 落鐘河在城南五里源出朝霞山之龍湫截官道而東北入漾共江昔嘗

滇繫
陸鐘于此因名又長康河亦在州南一里源出州西黑龍潭
東流滙于漾共江

白龍潭 州北七里潭之上最高一峯名金頂下爲白鷺山
勢若鸞鳳泉源甚遠至白龍祠下有泉百派滙而爲潭又西
龍潭在州西七里源出覆釜山東流溉農田亦名上潭其東
北有龍寶潭一名下潭周五百丈堤曰萬年堤石閘之下有
會濟池東分一小閘爲波流山亦金燈山脉也志曰府境龍
潭凡十五流入漾共江者十三曰黑龍曰普龍曰白龍曰西
龍曰龍寶曰吸種曰石朶曰香米曰北漾曰柳柎曰小柳南

曰赤土和曰宣化其流入金沙江者曰龍公而停蓄極深者
曰大龍

諸葛泉 在州南百四七里羅陋村相傳武侯駐師之地泉
均二流甚爲民利 溫泉有二一在觀音驛南二里一在驛
南十里

宣化關 在府東北又觀音山驛在府南百二十里亦有戍
守又南七十里至大理府鄧川州之鄧川驛

公山 在順州北六里危巒竦拔數峯融結其並峙者曰涓
峯山一名母山志云涓峯山在順州治北一里 楊寶山在

順州東北八里有池中多蒲草鳧鷖之藪也又烏舖山在順州西南十里有烏舖橋跨烏舖山谿澗上

牛甸湖 順州東二里其下流合于河頭溪志云溪在順州

東二十里出石岩下周八十餘里又有浴海浦在順州東二

十餘里水中分界西畔屬順州魚課及劍川州河泊所東畔

屬永北廳廣可三十里

劍川州

金華山 州治西一里自西番界老君山盤折而來延亘二

十餘里山頂常雨紫色如金故名西麓為西湖秋水時與東

湖相連入冬水落民始播種又州治南兩山並峙一赤如金

一白如銀 劍和山在州西四里以卓立如劍而名又州東

十五里有青厓山山產青石如列翠屏又州南二十里有印

盒山劍湖繞山麓而出

石寶山 州西南二十里層崖峭壁上有石坪方數十畝巖

洞泉壑往往奇勝南中之名山也又南一里為中山巖壁峭

立亦稱奇勝 石羅摩山在州東北七十里峰高百餘丈峭

立如巨人狀亦名將軍山

劍湖 州南五里湖廣六十里羅魯城南流為漾濞江俗呼

為海子每歲納魚課于州一統志湖在州西北七十里山頂有泉廣可半畝流經州東南而為此湖又劍川在州南十五里即劍湖之尾曲流三折形如川字

彌沙浪河 在州南百里白水場與劍湖水匯而南流 大橋頭河在州東二里古名今息尾江下流入劍川湖每遇洪潦輒泛溢害稼又桃羌河在州南三十里東南亦入于漾濞也

諸葛池 州北四里相傳武侯飲馬處志云州有龍潭凡九日老君曰易堤坪曰仙女煉曰隔漢曰建和曰白難陀俱流

入劍湖曰花步曰白龍曰青龍俱流入湖尾

彌沙鹽井 在州西南百五十里彌沙鄉有鹽課司大使轄

產鹽井二曰大井小井

楚雄府楚雄縣

南山 在府治南舊名雁塔山亦名金殯山其麓有武侯祠相傳孔明曾營于此又慈烏山在府治東城跨其上 鳴鳳山在城西亦名臥龍崗志云崗在府西十里孔明曾過此而名 城北隅則為峩崃山志云城北五里又有錦囊山形如錦囊布地

海峽
五
薇溪山 城西二十五里山高千仞峰巒百餘而溪箐如之
每溪皆有泉分流三十里乃合注臥龍江又西數里有紫溪
山

龍川江 在府城北源出鎮南州平峩川東流經府城北合
諸水至青峰下而爲峩祿川又東合諸水經定遠境而入武
定界 平山河在府東三里源出南安州山中流經府北而
入龍川江跨河有平山橋

波羅澗 在府西八里志云其麓有夜合榆榆下有涵水元
至正間設官開井煎鹽輸課今廢又擣練溪在府西三里水

宜釀酒又鳳泉在城東四時不竭

城南堰 在府南三里可灌四千餘畝志云府東二十二里
有梁王堰元梁王把匝刺瓦爾密所築也

廣通縣

東山 在縣治東勢若魚躍又東三里曰高登山元時有鹽
井建鹽司于此今廢亦名鹽倉山又鶴翥山在縣東北六里
山形如鶴環繞縣治其相近者又有蟠龍山山形蜿蜒中有
龍泉甚甘冽或曰卽九盤山也迴旋險峻道路曲盤立關其
中登之則祿豐定遠諸境一覽在目爲楚雄衆山之長

和茶山 縣南十五里清水河源出焉其東有河納香山溪河出焉二山相連高聳峭拔連亘二百餘里 鳳山在縣西一里又里許有營盤山相傳山半為武侯屯營地又圖經云青峰即峩嶮山其支在廣通之南者名阿浮城山是縣之主山也

阿陋雄山 縣東北十五里高踰千仞有泉出山西為羅申河出山南為阿陋河 龍街山在縣北七十里龍街洞為縣之勝

捨資河 縣東五十里源出武定東流入南安州界至元江

境下流入交趾河今有舖有堡有驛有村皆以捨資為名前
有陡澗橋跨捨資河上志云捨資在縣東七十里

立龍河 府西一里源出玉鞍山下流經城西又北會于大河大河在縣北三十里自府境流入滙縣境羣流而西北出流而入定遠縣境之龍川江又羅繩河在縣西南三十里流經定遠縣之黑井亦入于龍川江

蒙七塔溪 縣東二十里有翠微橋跨其上其後即蒙七塔舖志云縣東三里有清風河發源于縣東北之趙普關流至枯木村有清風橋跨其上又城東北十里有雕龍河源出阿

陋雄山又有龍泉出縣東北之蟠龍山山勢蜿蜒出泉甘冽環繞縣治交會于大河

阿陋井 在捨資村中又有猴井俱產鹽置鹽課大使屬黑鹽井提舉司志云縣產鹽井凡四十七區俱隸鹽課司四旁或以人名或以地名今多淹沒總以阿陋大井為名

回蹬關 在回蹬山上有戍守又九盤關在九盤山上二關為其境東西之險 沙矣舊寨在縣東北七十里有戍守南三十里即捨資驛也

定遠縣

赤石山 縣西二十里圖經云定遠鎮山曰味山即楚雄之峨嵋山也亦曰赤土山多赭石林木幽深延亘二百餘里其東有泉下流為零川其相近者又有雲龍山山勢峭拔起伏非一

會基山 縣南四十里高二千仞連亘數百里五十餘峯羣山之脉皆基于此上有會基關設兵戍守

玉壁山 縣東六十里高千仞旭日照之如玉壁然南有鳳羽山又有易旨山皆壁立高出羣山之表又諸葛山亦在縣東六十里一名獨立山世傳以武侯所搆亦名破軍山山畔

有井舊出鹵水下有白石泉

龍川江 在縣東自府界流入又東北入武定州元謀縣界而為西溪河

黃蓮池 縣東南五里廣二里許常產黃花如蓮又竜馬池在縣西南五里方廣四里相傳有竜馬見池中志云近城有溪溪產鹽泉

琅鹽井 縣東七十里有鹽課提舉司

羅平關 縣西南五十里或謂為羅那關元至大二年梁王與大理有隙引兵至羅那關以計殺其守將高逢蓋關為大

理之界云 諸葛營在縣西十里相傳武侯征南中過此傍

山築營夷稱望子洞基址尙存志云營在縣境者有二一在磨盤山一在羊牟山一在光法山

自久寨 在縣東紫甸鄉前明永樂初蠻酋自久據險犯順處

南安州

健林蒼山 州東五里今訛為阿姑娘山山半有泉昔黑爨祖瓦戾吳立柵居其上子孫漸盛不屬他部至大理國高氏討威楚始隸焉蓋蠻酋據險處也 紫石山在州東一里又

里許為烏龍山樹木叢密望之鬱蒼泉出下江為黑龍潭

表羅山 州西南四十里中產銀礦俗名老場滇中銀場以

此為最 安龍堡山或云在州東南山高險賊蠻潛伏于此

嘉靖間有嚴德奚木者倡眾為亂知州荀詵出奇設伏躬入

巢穴率師格殺仍立哨于要地民用以安

黑龍潭 在州東七里水深莫測州東三里又有白沙泉土

人資以灌溉又石井在縣東北二里其泉出隨取隨滿

黑初山 在磔嘉西高千餘仞五峯聳立連亘百里志云蒙

古滅段氏而攻段興智與智于黑初山設寨自守時有星殞

化為黑石以為祥因名磔嘉塞云 卧象山在州東形如蹲

象上有元磔嘉千戶所舊址

卜門山 州東北三十里高可千仞最為險峻志云即楚雄

峨嶽之支也高聳入雲其泉下達為卜門河自州入郡路必

經此凡三十六折乃至其巔亦曰北門砦又羅甸山在州西

南二十里 丙龍鎮在州北十里岩高數丈下有水自景東

廳流入境下流亦入于卜門河

卜門河 在卜門山下州西四里有馬鹿塘河流合焉二河

合流之處有西龍橋跨其上在州北十里又東北入于馬龍

江

馬龍江 在州北自鎮南州流入境又東入新化州界又有
上江河在州西三十里與鎮南州分界

鎮南州

石吹山 州東南二十里出煤炭相傳上有石如犬凶年則
吹又金鷄山在州東五里高出羣峯每日出日光照其上
一統志州治西北有鸚鵡山平地突出甚高聳鸚鵡產焉十八
盤山在州北十五里登之者迂回山岡十八折乃至其巔
石鼓山 州東三十里上有石行列如鼓有石鼓縣以此名

又五樓山亦在州東三十里太乙村後嵯岩峭拔最為幽勝
一統志州東十五里有舍逢山峭拔聳空草木叢茂

馬龍江 州西南百八十里其上流即定邊河也自定邊縣
流入境東南流經礪嘉東又東南入于元江

平夷川 州西三十里源出重山中經州城西東南流至府
城西南入龍川江志云州西四十里有苴武橋州西三十里
有白塔橋州西十里有平夷橋俱跨平夷江上

南堰 在州南又州西有西堰可溉田二千餘畝 子甸溪
在州東北亦溉田至數千畝

英武關 州西七十里有戍守亦曰鸚鵡關志云英武關躡山脊越巉阪箐莽陰翳行者寒心爲郡境之險又有阿雄關在州西北亦有戍守志云州境又有鎮南關

姚州

龜祥山 州治西一名赤石山以山石皆赤也山頂有泉亦曰龜祥泉旁有萬花谷又西五里曰金秀山陽派河出焉其相接者爲龍馬山 白馬山在州西十五里又西五里曰燕子山形如燕壘又州西十七里有稽蕭山泉流入于陽派河東山 州東十里一名飽烟羅山其西有武侯塔相傳諸葛

武侯南征駐兵于此後人建塔其上山之南又有古城志云唐天寶初雲南太守張虔陀所築以防南詔又塞子山在州東八里洪武末土爨自久叛結寨于此官軍討之敗賊于東山箐卽此山也有泉流入普溯 筆架山在州南二十里有三峰平時上有井雲出卽雨又三窠山在州南六十里青蛉河出焉

九鼎鍾山 州東北二十里峰巒有九狀若懸鐘一名華山以春時多花木也又仙景山在州西北十五里一名西山亦名石元山山麓有赤甲西嶺二泉 矣保山在州北十五里

又北五里曰龍鳳山山有白石塔晉天福間建高十丈亦名
白塔山

寶關山 在州北百二十里東去鹽井提舉司一里山高百
仞以通鹽要路因名又司東一里曰回龍山司南一里曰北
極山司北一里曰象嶺山俱以形似名 綠蘿山亦在州北
百十里一名盤曲山其相接者曰黎武山

金沙江 州東北百四十里從永北廳流入界州境之水皆
流入焉又北入武定界詳見大川金沙江

青蛉河 在州南舊名三穿戍江源出三窠山流至州南四

十里瀦為石池周廣二百餘畝分為東涵溪西涵溪溉田畝
至州城北復合流至大姚縣南合于大姚河東入于金沙江
陽派河在州西自金秀山發源東流滙為陽派河入西涵溪
合于青蛉河

連水 州西十三里源出楚雄府鎮南州北之磨盤山流經
此亦曰連場河西北流七十餘里入大姚縣之龍蛟江又香
水河源出州北黎武村與白鹽井提舉司之觀音筍步水合
流亦入龍蛟江而注于金沙江

白鹽井 州北百二十里本大姚縣地有鹽課提舉司旁有

九井曰觀音曰舊界曰又中曰灰白尾曰白石谷曰阿拜曰
小皆產鹽為公私之利滇略羝羊石在司西里許蒙氏時有
羝韜土驅之不去掘地得滷泉因名白羊井復訛為白鹽云
明初土蠻自久作亂官軍敗之于白鹽井遂進敗賊于東山
箐

三窠關 在州南三窠山上為南面之險有戍守 諸葛壘
在州東十五里又北十二里有孔明遺壘蓋武侯渡瀘南征
道出于此

大姚縣

四奇山 在縣南七里有四峯高聳又有九山在縣治東南
一里東隅有石穴一名石壁洞俗名紗帽山 又筆山在縣
西一里志云山之後曰鳳凰山又曰觀音山相去約二里縣
西北三里又有玉屏山

馬家山 縣北十里高出羣山林木深鬱又北二十里有方
山漢志青蛉縣有金馬碧鷄或以為即方山也 書案山在
縣東北百五十里山形如几案大姚河出焉

赤石崖 在縣西北與大理府十二關長官司接界嘉靖二
十三年增設姚安府督捕通判駐赤石崖萬歷中省蓋北渡

金沙東出武定此爲要地也又紫邱嶺在縣東二十里上有古砦

大姚河 在縣北源出書案山流經縣西北合鐵索箐之水又南流至縣西南合姚州山橋村之水又東流達縣南復東北會于青蛉河或以爲卽漢志所稱僕水也

龍蛟江 縣西北百二十里源出鐵索箐合姚州連場香水二河東北注于金沙江俗名直泡江音訛也水產金

鐵索箐 在縣西北逶迤千里山阿水隈溪徑深險夷人每聚于此恃險出沒剽掠凡百餘年萬歷初鐵索箐力些夷畔

撫臣鄒應龍討之七十二村悉平因置戍守此四境乃安

永昌府保山縣

太保山 在城內山勢嵯峨東南高千餘丈橫岡數里山顛平衍可以騎射周遭林木蒼翠稱爲奇勝諸葛武侯嘗挾山脈以防夷叛深可三丈餘鐵物間之 寶蓋山在城西北永鎮門外以形似名山勢峻嶒爲衆山之冠名曰梯山右曰玉壺山石竇流泉甚清 靈鷲山在城北八里高如寶蓋延袤七里餘山顛有報恩寺俗呼爲大寺山

九隆山 城西南七里山勢突兀分爲九嶺一名九岐嶺其

麓有泉自地涌出凡九竇土人斃石爲池其下會爲大池可
三十畝名曰九龍池或謂之易羅池相傳蠻婦沙壹者浣絮
池中木浮水面生九隆種類遂繁世居山下諸葛武侯南征
時嘗鑿斷山脈以泄其氣有迹存焉 法寶山在城南十里
勢隣九龍而沙河限之又南五里爲小師山高百丈袤二里
宮市山在城南二十里下有芭蕉湖最幽勝其北爲宮市堰
沙河水所經也

哀牢山 府東二十里本名安樂夷語訛爲哀牢孤峯秀竦
高三千餘丈維時西陲延袤三十里許山下有石如鼻二孔

出泉一溫一涼號爲玉泉因亦名玉泉山又有諸葛井在巨
石間可飲千人 鳳溪山在府東三十里上有呂公台志云
不韋廢縣在其麓又筆架山在府東南三十里有五峰如指
虎嶂山 城西北二十里有溫泉可浴其相近者曰雪壺山
以山多白石而名又五里曰雲巖山山高二百丈盤回三里
許昔人嘗因巖石鑿爲臥佛因名臥佛山

峽口山 府東南四十里下有石洞廣二丈高半之一郡之
水俱泄于此陰流池中達于施甸拓河下瀾滄江洞多魚亦
名魚洞 天井山在城東北三十里岡陵回繞中有平地可

居亦謂之石洞山

羅岷山 在城東北八十里瀾滄江西岸高千餘仞延袤四十里餘志云府北十里又有白龍山 屋牀山在府南七十里滇程記由永昌過蒲縹驛經屋牀山箐險路狹馬不得並行過山至潞江之外為高黎貢山是也

瑪瑙山 在城西百里山產瑪瑙名哀牢山之支脈也又有風洞山在府西八十五里風自洞出因名 龍王巖在城西十五里一山中斷兩崖壁立如斧劈然

瀾滄江 在城東北八十五里羅岷山下廣二十六丈其深

莫測滇程記自沙木和十亭而崎至永昌途經瀾滄江江流界二山之間兩崖壁峙截若墉垣因為橋基纜鐵梯木縣跨千尺束馬以渡西為江坡有途新關志云跨瀾滄江者為霽虹橋舊以竹索渡後廢明初鎮撫華岳鑄鐵柱立兩岸以維舟宏治中備兵使者王槐始貫以鐵繩構屋其上行者若履平地守永昌者往往以扼江為險橋其重地也餘見大川瀾滄江

潞江 在府南百里舊名怒江源出吐番界經潞江安撫司北又東南經府境復南流入孟定府境兩岸陡絕夏秋間瘴

癘尤甚詳見大川潞江

上水河 在城內又有下水河源出九龍池及寶蓋山箐合流入城貫穿委迤而達于東河東河亦曰節義河源出龍泉流經節義村合清水河南入峽口洞 沙河在城南七里源出九隆山南河入于峽口洞有衆安橋跨其上

清水河 城北二十里志云河有二源一出府北阿隆村一出甘松坡下合流至城東北折而東合鳳溪節義河又經府城東南合沙河諸水入峽江洞今府北二十里有北津橋爲屋其上又東十里有東津橋咸跨清水河

沙水河 在城東北百十里自順甯府流入合鉛山澗水會流三十里入瀾滄江有鳳鳴橋跨其上

青華海 在府東五里合諸流爲池又九龍山麓南北龍池泉有九穴亦曰易羅池又響水灣在府北九十里泉如瀑布聲若鳴金卽瀾滄江回折處也

竜泉 有二一在司城北節義村析爲三派在右叢村咸有灌溉之利劉寅記永昌之城右倚崑山下有泉流涌出修蓄爲池洞深數百步折而東南灌田千餘頃謂之龍泉或曰卽九龍池也

大諸葛堰 在城南十五里其東有東岳堰及小諸葛堰咸有灌溉之利 甸尾堰在城南一十里周廣二里

清水關 在城西北臥佛山之西扼清水河之要元時建今設清水驛于此 小建關在城東北七十五里其處又有河章巖

諸葛營 在城南七里一名諸葛村舊記孔明既擒孟獲移師永昌卽金齒也城南八里西山下武侯嘗屯兵其間師還民構祠祀之因名志云元時有四川軍萬戶府在諸葛營后土人居于營前小海子內有土阜一區周遭二十三丈高六

尺隨水高下巨潦不沒相傳爲孔明旗臺一統志武侯旗臺在東岳堰內 金雞村或云石城東五里有金雞泉一溫一涼四時可浴泉北有將臺高丈餘廣倍之相傳蜀漢時永昌牧呂凱築此以拒雍闓外復有蒙古千戶所廢址土人居之霽虹橋 府北八十里跨瀾滄江武侯南征孟獲架橋濟師以索爲之修廢不一元至元中也先不花重修名曰霽虹明初鎮撫華岳置二鐵柱于兩岸以維舟時遭漂溺后架木爲橋又爲火所焚宏治十四年備兵使者王槐構屋于上貫以鐵繩南北往來此爲孔道亦曰瀾滄橋

永平縣

博南山 縣西南四十里漢武通博南山即此一名金浪顛
山俗訛為丁當丁山極險隘為蒲蠻出沒之所北麓有泉流
為花橋河華陽國志云博南縣西山高三十里越之得蘭滄
水有金沙洗取融為金滇略云博南山高二十里有鐵柱
為西陲要道

和邱山 縣西三十里高千餘仞雲合即雨東麓一潭四時
陰潦流為木里場河西麓有泉流為曲洞河 花橋山志云
在縣西南二十五里有鐵礦又縣西南五里有髑髏山其

北百里有羅木山

羊街山 縣北四十里山半涌泉周回五尺名曰一碗水行
者掬飲之地名碗水哨又羅武山在縣東北百十里高百十
丈山半有泉勝備江發源于此

橫嶺山 縣東北百三十五里山極險峻驛路經其上其西
有泉下流為九渡河寶藏九山在縣東七十里一名觀音山
相傳武侯南征至此迷道遇一老嫗呼犬從絕徑中出始得
路兵旋建廟祀之俗名娘娘叫狗山

銀龍江 在縣治東半里守禦城跨其上源自縣西上甸里

合木里場河又南合曲洞河又東南過花橋河又東南入瀾
滄江志云銀龍江每孟冬時近曉有白氣橫江盤旋如龍因
名一名太平江有昌平橋跨之長四十丈高二丈五尺廣二
丈瓦亭十有二亦曰太平橋又東北有安定通市二橋志云
曲澗河在縣西三十里其西十里有桃源河咸注于銀龍江
勝備江 在縣東北百里出羅武山引流而東南合九渡雙
橋二河至蒙化合漾備江志云九渡河在縣東北五十里出
橫嶺山沿水遠流上跨九橋故名

花橋河 在縣西南三十里源出博南山下流入銀龍江滇

程記出下關石橋至碗水哨又西爲四十里橋又西爲响水
澗橋循澗行巨石哨鷄鳴岩轟霆類嘉陵散關近關有花橋
橋咸架木飛梯橫柱懸渡行人戰慄所謂花橋河也

丁當丁山關 在博南山山路險峻置哨守于此 上甸關
在縣北二十里有上甸定夷關

花橋關 在縣西南四十里下有花橋河控扼險阻之處也
元時改曰玉龍關

諸葛砦 縣北三里相傳武侯駐兵所 關索砦在縣東北
五里俗傳蜀漢將關索所築砦下有洞首尾相連樵牧過之

嘗聞洞中有戈戟聲

騰越州

來鳳山 城南四里亦名龍鳳山又南三里曰蜚鳳山南去里許曰龜山形如龜林巒相接多修竹名材 球牟山在城東五里下峻上平可居以避寇山頂有池池旁有穴下注爲伽和池正統中麓川賊寇邊守禦官軍據此立砦軍民潛避其上亦名梗砦山 寶峯山在州西十里一名長洞山又南五里有水尾山

下干峩山 州北十五里有池亦名下干峩又上干峩山

在州西北二十五里有池名清河亦名上干峩周五百餘丈亦曰澄鏡湖又北有金塔坡 土山亦在州北十五里上有龍池周五十餘丈下亦有龍池居民祈雨于此境內無旱災

羅生山 州東南三十里峰巒千仞條岡百里林木森茂騰冲之名山也龍崧山在州北三十里山極高峻雲合卽雨赤土山在州東三十里又州西三十五里有緬箐山極高峻羅左冲山 州南六十里上有鎮夷關山后卽南甸宣撫司懸巖峭壁立爲華夷之限滇略謂之半箇山界限華戎北寒

滇繫

五之一

山川

三

南暑迥然各天

高黎共山 東北百二十里一名磨盤山與保山小共接界
山高峻華夷之限也詳見名山高黎共 明光山在州西北
一百二十里上有銀礦銅礦

馬峰山 州東十五里又州東六十里有橄欖坡產橄欖今
橄欖坡驛置于此 搗鼓山在州西南十里相傳孔明嘗駐
兵于此

大盈江 在州西又名大車江出吐番界流入州境州西之
水有三一出赤土山流爲馬邑河一出龍從山流爲高河一

出羅生山流爲羅生場河環繞州城自東而北而南並注于
大盈江南入南甸干崖之境詳附見大川潞江

龍川江 源出峩昌蠻地六藏甸繞越甸界經高黎共山北
下流注南甸干崖及隴川境合于大盈江其渡口有橋舊編
藤鋪板以渡名曰藤橋在州東七十五里一統志藤橋有三
一在龍川關一在庄甸一在同古俱跨龍川江上蓋江水湍
急難以木石施工編藤爲橋繫于岸樹以通人馬或曰龍川
蓋麓川江之別名也

疊水河 在州西南大盈江之支派也山麓有石崖斷陷百

尺水勢奔蜚吐珠噴沫觀者毛髮為竦

大車湖 在州南團坡下湖面廣闊中有小山若浮石溫泉

有四一在城北馬邑村一在城東南大洞村水沸如湯

龍川江關 在州東七十里江之西峰有龍川橋江上舊編

藤鋪板各曰藤橋宏治中備兵使者始纜鐵為橋嘉靖中潘

潤復修之為往來要道 古勇關在州西百里古勇甸又鎮

夷關在州南羅左冲山

夾象石 在州東龍川江東岸渡江而西卽高黎共山麓也

正統三年麓川思任發叛都督方政及別將高遠渡江而南

逼賊于上江上江賊重地也深入力憊求救于沐晟晟以少

兵往至夾象石不進政等渡江追至空泥賊伏四起我師覆

焉七年王驥等以大軍征麓川八年自夾象石下江往抵上

江賊巢而大軍亦自夾象石下江通高黎共山道至騰冲云

和場山 潞江司東三十餘里又司南三十里有掌元山司

東八十里有雷弄山

潞江 在司北三十里本名怒江以江流洶涌不平也源出

吐番流入司境南流經司城東又南經孟定芒市而入緬界

下流入南海蒙氏封為四瀆之一江之兩岸咸陡絕瘴癘甚

毒夏秋之間人不敢渡詳見大川潞江

潞江關 在潞江東岸滇附錄云金齒西上一程曰蒲縹地稍平遠蒲縹驛經打板箐下潞江若入深筭四序皆煥赤地生烟瘴氣騰雲渡龍川江亦然蒲縹甸在司東南正統中麓川酋思任發叛督臣王驥言江北縹甸昔利等處係賊左臂恐乘虛而發侵犯金齒阻絕糧道今分軍二路別將冉保從縹甸直取孟定合木邦車里之兵爲東路而大軍向西路至騰冲與保會思賊腹背受敵云

景罕砦 在司西南境洪武末平緬諸蠻刀幹孟叛何福討

破之于南甸還兵擊景罕砦蠻乘高據險堅守不下福糧垂盡沐春馳至徑渡怒江蠻出不意遂降乘勝復擊崆峒砦賊潰走崆峒砦蓋亦在司境又正統三年破麓川賊于潞江西岸賊走景罕砦官軍復敗之滇記云景永城在隴川宣撫司宅后磚甃萬曆六年建或以爲卽故景罕砦恐悞

阿坡砦 在司南隆慶六年金騰兵備許高征蒲蠻阿坡砦擒其將蔣裕于是桑科等二十八砦咸服又有潞江烏色平夷三砦蠻亦來附

鳳溪山 在長官司東治有東西二泉合流繞鳳溪山與府

東北三十里哀牢山並峙或云漢不韋故縣在鳳溪山下山有呂公臺以呂嘉子孫遷此而名又有石鼓山在鳳溪山之右高七里表如之

秀巖山 施甸司東南二里岩下出泉注于小羅密河北流經峽口洞而入瀾滄江又摩蒼山在司東二里一名施甸山孤峰竦秀又司西十里有石柵山 當歸山在司西北二十五里產當歸又甸頭山在司西南三十里其南有碧霞山又司西北四十里有新柵山

坪市河 在司西有二源一出甸頭山一出右甸塞合流經

司西又南合蒲縹砦澗水經新柵山口斗崖蜚下一流入于怒江

蒲關 在司南滇畧云蒲人散居山谷无定所永昌鳳溪施甸二長官司及十五哨二十八砦咸其種也元時爲奇蒲砦至元十六年廣西宣撫使討平和泥蠻遂徇金齒甸七十城越麻甸抵可蒲咸下之又有小白夷熱夸也環居于永昌西南境

猛淋寨 在司東南萬歷十一年緬蠻寇順甯遂破施甸猛淋蓋達諸砦官軍擊走之卽此

順甯府順甯縣

鳳山 在府治東治西亦有此山兩山夾峙如雙鳳然亦名
交鳳山瀉泉流于治北有橋跨其上曰掬春橋橋有五屋扶
欄居然幽勝 東山在府東三里又府城北有鼓山城西有
旗山咸近郊之勝也

樂平山 府西北十五里屬郡之鎮山山下有塘周圍里許
知府猛寅所鑿以備灌溉又府西十五里有阿山亦幽勝
立玉山在府西南十五里一名契山重岡疊嶽蒼翠如函又
西南五里曰都密山千岩萬壑如羣星拱斗上有太平寺

九層樓山在府西北九十里重岩複嶺盤折九層山椒有聚
落

把邊山 城南四十三里上有把邊關兩山對立如門一徑
中通崎嶇扼塞嘗稱險隘 津山在府東南一百二十里亦
曰類山山陡絕下卽瀾滄墨惠合流之處號爲伴江山又因
江以名也

阿魯使泥山 府北百八十里中有洞深十餘步上結華蓋
層層如樓閣嘗有白氣出入其中名霞洞兩山迥絕中爲徑
路可四百餘步平直如砥逕之旁咸細草蒙茸俗呼觀音接

路 赤龜山在府北二百三十五里以形似名黑惠江如長蛇盤繞其下山阿有聚落行旅往來多宿于此

驛山 府西南二百里山勢百盤林深谷邃下臨絕澗渡以

藤橋土人呼為阿澤立山山水急迅流為阿鐸河土人稱藤

川渡 西奧山亦在府西南二百里層峯削壁下有洞豁然

謂之瓊英洞形肖城郭廣約十餘丈嵌空奇崛深邃莫測

蟻濮者山 府北二百四十里土少石多高峻骨立宛如塊

土削成下有聚落俗呼猛濮者滇畧云順甯境內沿瀾滄江

而居者曰普蠻一名濮子蠻是也

瀾滄江 府東北七十里自金齒東南流入府境并黑惠江

合南過景東元江交趾乃入南海石齒嶙峋波濤洶涌實為

險阻有瀾滄浮橋編竹為之長十五丈廣五丈人馬渡之如

臥虹然府志云瀾滄江東有寶峯山奇勝處也江干又有三

臺山至為險峻餘詳大川瀾滄

黑惠江 卽樣備江也亦曰凜溪江又名墨惠江在府東北

五十里自蒙化廳流入府界南混源百里至半山下合于瀾

滄江詳見大川樣備江

順甯河 在府城東源出甸頭村箐內流入雲州孟祐河為

府玉帶水又瓮磔河在府南一里源出南山流合于順甯河
又臘門河在府北十里亦南流合于順甯河白虎塘河在府
北一百九十里河城舊村口南以河旁舊有虎穴而名其水
流入黑蕙江又龍湫在府治右山之麓方一畝林木蒼蔚相
傳有龍居其中

把邊關 在把邊山上爲府之險阨 牛街驛在府北百八
十里溇溪江上路通蒙化有渡深險不測飛濤亂石不容巨
舟舊剝木爲舫如竹半破渡者畏之近時建橋以渡行者便
之志云府境舊有順甯觀音水井牛街錫鉛左甸柏河六驛

丞司之

矣堵砦 在府西南萬歷二十八年矣堵十三砦莽元等復
叛官軍討平之順甯雲州復定 猛淋寨在府西境萬歷十
一年灣甸酋景宗真導緬入姚關寇施甸焚掠順甯破猛淋
寨今志云府境有錫鉛寨巡司又有董壘砦赤壁嶺蟒水砦
錫臘四巡司萬歷中裁

雲州

无量山 故州東北六十里卽景東廳之蒙樂山也志云上
有孟獲故砦

鎮西山 在州治北州南曰水甯山其相對者曰平頭山
者稱山在州東六十里又蠻賴山在州西六十里山多竹又
八刺山在州北八十里

蠻彌山 州南二百五十里林木陰森石崖壁立山東南麓
卽瀾滄江 阿輪山在州西南三百里層峯疊嶂四時蒼翠
瀾滄江 在州南自順甯府流入界又東入景東廳界

孟祐河 在州治東順甯府境諸水合流于此入于瀾滄江
又州南八十里孟賴河又南有河在州東自順甯河分流
入州境州西有南修河合流于南有河其下流俱注于瀾滄


江

梳頭山 在猛緬司西南高六十里其相近者又有算水山
多古柏其東有天蠻山高竦插天山多雪又猛緬境內有邦
鳳山上有諸葛碑云 邦編山在猛猛南高六十里又猢猻
山在猛撒北高二十五里最險隘其南有六河北入大山中
金水河 在猛緬境內又有大河北流入于猛賴河 獵遜
江在猛猛境南志云猛猛有大河南流入于獵遜江

沈豐

沈豐

真石山 正州台 七川河 五夫 等 一 七 日 廿 三 日 廿 四 日



沈豐

沈豐

沈豐

沈豐

沈豐

沈豐

沈豐

沈豐

沈豐

沈豐

